



Akureyrarbær



FÉLAG ELDRI BORGARA
Á AKUREYRI

SAMNINGUR AKUREYRARBÆJAR OG FÉLAGS ELDRI BORGARA Á AKUREYRI

Markmið:

Félags- og tómstundastarfi fyrir eldri borgara á vegum Akureyrarbæjar er fyrst og fremst ætlað að skapa þær ytri aðstæður sem þarf til að efla frumkvæði, sjálfstæði og áhuga og stuðla að meiri virkni og þátttöku eldri borgara.

Samningur milli Félags eldri borgara á Akureyri og Akureyrarbæjar

Akureyrarbær, kt.: 410169-6229, Geislagötu 9, 600 Akureyri og Félag eldri borgara á Akureyri, hér eftir nefnt EBAK, kt.: 651082-0489, Bugðusíðu 1, 603 Akureyri, gera með sér eftirfarandi samning.

1. gr. Markmið

Með samningi þessum lýsa Akureyrarbær og EBAK yfir vilja sínum til að taka höndum saman um að tryggja eldri borgurum á Akureyri aðgang að eins góðu félags- og tómstundastarfi og þörf er á hverju sinni. Markmiðið er að tryggja og viðhalda andlegri, félagslegri og líkamlegri færni þeirra til að njóta efri áranna eftir vilja og getu hvers og eins.

Félags- og tómstundastarfi fyrir eldri borgara á vegum Akureyrarbæjar er fyrst og fremst ætlað að skapa þær ytri aðstæður sem þarf til að efla frumkvæði, sjálfstæði og áhuga og stuðla að meiri virkni og þátttöku eldri borgara.

Það er sameiginlegur skilningur aðila að stuðningur við EBAK sé bundinn því að starfsemin í félagsmiðstöðinni við Bugðusíðu og Víðilundi sé opnar öllum eldri borgurum.

Félagsmiðstöðvarnar í Bugðusíðu og Víðilundi eru opnar allt árið.
Opnunartími og þjónustuframboð er minna yfir sumartímann.

2. gr. Framlag Akureyrarbæjar

Akureyrarbær leggur EBAK til húsnæði og stendur straum af kostnaði við rekstur, þ.m.t. hita, rafmagni, ræstingu, tryggingum, viðhaldi, síma, snjómokstri og sorphirðu.

Akureyrarbær leggur til starfsfólk í félagsmiðstöðvum fólksins, Birtu og Sölku, eins og þarf hverju sinni, til að tryggja nauðsynlega þjónustu við notendur. Hlutverk starfsmanna er að vera til staðar á virkum dögum á opnunartíma stöðvanna samkvæmt starfslýsingum og ráðningarsamningi, sjá um skipulagningu á húsnæðinu í samráði við félagið, umsjón/aðstoð við opin hús, kynningar og annað félagsstarf. Það er á ábyrgð EBAK að láta vita af notkun á húsnæðinu utan opnunartíma. Starfsmenn heyra undir forstöðumann tómstundamála.

Í boði verða einstök námskeið og aðstoð við ráðningu verktaka til að halda einstök námskeið í samráði við félagið. Námskeiðin verða í samræmi við það húsnæði sem er til staðar og þann búnað sem til er hverju sinni.

EBAK fær aðstöðu fyrir félagsstarfsemi sína eftir óskum og þörfum meðan húsrúm leyfir. Gengið skal frá aðstöðunni eins og komið er að henni og eiga að vera aðgengilegar myndir af



Því hvernig skal ganga frá. Ef að fundir / samkomur eru eftir lokun þarf að vaska upp en ef um óverulegt magn er að ræða má skilja nokkur glös / bolla eftir í grind. Félagið fær skrifstofu til eigin nota í húsinu og stendur sjálft straum af rekstri hennar, t.d. síma sem er skráður á EBAK, tölvu- og ljósritunarbúnað.

Félagsmiðstöðvarnar Birta og Salka annast útleigu húsnæðisins en tómstundastarfsemi eldri borgara á vegum bæjarins og Félags eldri borgara skal alltaf njóta forgangs að húsnæðinu. Skemmdir á húsnæði og/eða húsbúnaði sem verða vegna útleigunnar skal greitt af leigutaka.

Auk framangreinds veitir Akureyrarbær félaginu rekstrarstyrk frá 2026 til og með 2028 vegna vinnuframlags, samtals 6.000.000 kr., sem greiðist á eftirtöldum gjalddögum:

1.000.000 kr. 1. febrúar 2026
1.000.000 kr. 1. ágúst 2026
1.000.000 kr. 1. febrúar 2027
1.000.000 kr. 1. ágúst 2027
1.000.000 kr. 1. febrúar 2028
1.000.000 kr. 1. ágúst 2028

Fjárhæðir eru með fyrirvara um framlög úr bæjarsjóði á fjárhagsáætlun hvers árs. Verði veruleg breyting á forsendum, taka aðilar upp viðræður um breytingar á framlagi í því skyni að laga það að breyttum aðstæðum. EBAK á ekki kröfu á bæjarsjóð eða rétt á bótum þótt framlag til samningsins verði lækkað eða fellt niður.

3. gr. Framlag EBAK

EBAK mun koma að skipulagningu starfseminnar með Akureyrarbæ í þeim tilgangi að efla starfsemina eftir þörfum og virkja áhuga og frumkvæði eldri borgara til ánægjulegrar samveru í félagsmiðstöðvunum í Víðilundi og Bugðusiðu. EBAK mun vinna með Akureyrarbæ að því að hvetja eldri borgara til að njóta félagslífs og sækja félagsmiðstöðvarnar.

EBAK mun í samstarfi við Akureyrarbæ leitast við að auka sjálfstætt starf eldri borgara, t.d. klúbbastarf, fræðslustarf, heilsurækt og námskeiðahald.

EBAK á ýmsan búnað sem nýttur er í félagsmiðstöðinni Bugðusiðu (Birtu). Félagið sér alfarið um viðhald og endurnýjun þess búnaðar sem er í eigu félagsins.

Í samræmi við reglur Akureyrarbæjar um styrkveitingar skal EBAK, að loknum aðalfundi, skila ársreikningi liðins reikningsárs og fundargerð nýliðins aðalfundar til forstöðumanns tómstundamála og formanns fræðslu- og lýðheilsuráðs.



4. gr. Samráð

Félagið og Akureyrarbær eiga samstarf í gegnum Öldungaráð Akureyrarbæjar sem starfar samkvæmt lögum um félagsþjónustu sveitarfélaga nr. 40/1991 og lögum um málefni aldraðra nr. 125/1999.

Einnig skulu haldnir sérstakir samráðsfundir samningsaðila að lágmarki einu sinni á ári. Akureyrarbær boðar til þess fundar í októbermánuði, en að auki geta báðir aðilar óskað eftir fundi á hvaða árstíma sem er. Af hálfu Akureyrarbæjar ber fræðslu- og lýðheilsusvið ábyrgð á samskiptum við félagið. Tengiliður hverju sinni er forstöðumaður tómstundamála.

5. gr. Gildistími, endurskoðun.

Samningurinn er gerður í tveimur eintökum og heldur hvor aðili einu eintaki. Samningurinn gildir frá 1. janúar 2026 – 31. desember 2028.

Þrátt fyrir tímabundið gildi, er samningur uppsegjanlegur með sex mánaða gagnkvæmum uppsagnarfresti á gildistíma hans.

Samningsaðilar eru sammála um að samningurinn verði tekin til umræðu og hugsanlegrar endurskoðunar í október ár hvert.

Akureyri 14/11'25

f.h. Akureyrarbæjar

Ásthildur Sturludóttir
bæjarstjóri

f.h. EBAK

Karl Erlendsson
formaður